

SCRIPT OF EVENING GOJRI NEWS BULLETIN 17NOV 2025 1700 HRS

ایونینگ گو جری نیوز بلیٹن مورخہ 17 نومبر 2025

یوہ آکا شوانی جموں بے نصرت چوہدری تے طارق ابرار تیں خبر سُنو۔

HEADLINES

- ۱۔ شمالی زونل کونسل غو اجلاس فرید آباد مانہ وزیر داخلہ امت شاہ غی صدارت مانہ منعقد ہوو۔
- ۲۔ وزیر اعلیٰ عمر عبداللہ نے سعودی عرب مانہ بس حادثہ مانہ بھارتی زائرین غی اموات ور گہرا دکھ غو اظہار کیو۔
- ۳۔ جل شکتی غا وزیر جاوید رانا نے مینڈھر قصبہ مانہ نکاسی غا نظام نانہ بور بہتر بنان گا منصوبہ غی بنیاد رکھی۔
- ۴۔ فوج گا سربراہ جنرل اوپیندر دیودی نے دہشت گردان تے اُن گا مدد گاراں سنگ یکساں طورور نمڑن غا عزم غو اعدا کیو۔
- ۵۔ جموں ریلوے سٹیشن ور ہائی الرٹ جاری ہے تے پونچھ پولیس نے دہشت گردان غی معلومات دین ور انعام غو اعلان کیو۔

SHAH NZC

شمالی زونل کونسل غو اجلاس فرید آباد ہریانہ مانہ منعقد ہوو جس غی صدارت مرکزی وزیر داخلہ امت شاہ نے کی شمالی زونل کونسل مانہ ہریانہ، ہماچل پردیش، پنجاب، راجستاتھ، دہلی جموں کشمیر لداخ تے چندی گڑی شامل ہیں۔ جموں کشمیر غا لیفٹیننٹ گورنر منوج سنہا تے وزیر اعلیٰ عمر عبداللہ سمیت مرکزی ریاستان تے مرکزی زیر انتظام علاقان گا اعلیٰ افسران نے اجلاس مانہ شرکت کی۔ اجلاس مانہ ریاستان غے بشکار بہتر ہم آہنگی، پانی غی تقسیم کاری تے ترقیاتی منصوباں ور گل بات کی گئی۔

CM MADINA ACCIDENT

وزیر اعلیٰ عمر عبداللہ نے اج سویرے سعودی عرب مدینہ مانہ بھارتی امراہ زائین غی بس حادثہ مانہ ضائع ہوئی جانان ور گہرا دکھ تے افسوس غو اظہار کیو اُنہاں نے جان بحق ہون آلا گا خاندانان تیں دلی ہمدردی غو اظہار کیو تے زخمیاں غی جلد صحت یابی واسطے دُعا کی ابتدائی اطلاع غے مطابق یوہ حادثہ اُس وقت پیش آیو جد 46 زائرین نانہ لے جان آلی بس، میکہ تیں مدینہ جاتاں ایک ٹینکر نال ٹکرا گئی اس غا نتیجہ مانہ 45 بھارتی زائرین جان بحق ہوا۔

RANA DRAINAGE PROJECT

جل شکتی وزیر جاوید احمد رانا نے اج مینڈھر قصبہ مانہ نالیاں گا نظام نانہ اپ گریڈ کرن گا پہلا مرحلہ غی بنیاد عکھی جس غی لاگت 50 لکھ روپیہ ہے یوہ ایک برا منصوبا غو حصو ہے جس غی کل لاگت 10 عشاریہ 15 کروڑ روپیہ ہے وزیر نے کہی وکہ یوہ مرحلہ وار ترقیاتی پروجیکٹ مینڈھر غا ڈرینج نظام نانہ پوری طرح

جدید بنان صفائی نانہ بہتر بنان سیلاب تیں بچاؤ غی صلاحیت نانہ بدھان تے عوامی صحت گا معیار نانہ مضبوط کرن واسطے شروع کیو گیو بے اُنہاں نے کہیو کہ یے منصوبہ حکومت غی ترقی واسطے سنجیدگی، وقت ور مکمل کرن تے عوامی سہولیات غی بہترین فراہمی غی عکاسی کرے۔ ذرائع ابلاغ سنگ گل کرتاواں وزیر نے اس طرح کہیو۔

DGP TRAL VISIT

جموں کشمیر پولیس گا سربراہ نلین پرہات نے پولیس گا اعلیٰ افسراں سنگ اج بری پری گام ترال گو دورو کرگے شہید ہوا کرائم فوٹو گرافر جاوید منصور گا لواحقین نال دونگا دکھ گو اظہار کیو تے تعزیت پیش کی پولی س گا اعلیٰ افسراں نے متاثرہ کُنبہ سنگ ہمدردی گو اظہار کی و تے محکمہ کی طرفوں ہر ممکن مدد کی یقین دہانی کرائی یوہ دورو ظاہر کرے جے اپنا فرائض ناں انجام دیتا ویلے شہید ہون آلا بہادر افراد گا کُنبان کی امداد واسطے پولیس کی اعلیٰ قیاد مضبوطی نال کھلی بے دورہ ماں پولیس سربراہ نلین پرہات، سپیشل ڈی جی جاوید گیلانی، انسپکٹر جنرل پولیس کشمیر زون ودھی کمار بردی تے جنوبی کشمیر گا ڈی آئی جی جاوید متو شامل تھا۔

REASI NASHA MUKT

ریاسی مانہ اج نشہ مکتی ابھیان یعنی منشیات تیں پاک مہم گا 5 سال پورا ہون ور ایک پروگرام منعقد کیو گیو سماجی بہبود محکمہ غی جانب تیں منعقدہ اس تقریب مانہ غا عزم غو اعادو کیو گیو اس موقعور مختلف تعلیماتی اداراں غا تعاون تیں ایک بڑی آگاہی ریلی کڈی گئی جس مانہ طلباء، اساتذہ، رضاکاراں تے افسراں نے حصو لیو۔

ARMY CHIEF TERRORISTS

بھارت غا آرمی چیف جنرل اوپندر دیودی نے اج کہنو کہ بھارت دہشت گرداں تے اُن غا مددگاراناں نانہ ایک ہی سمجھے تے اُنہاں نانہ مضبوط جواب دتو جے غو وہ ایک پروگرام مانہ گل کر رہی اتھا تے اُنہاں نے کہیو کہ پچھلا ایک سال مانہ بھات تے چین غا تعلقات مانہ بہتری آئی بے کیونجے دوئے ملکاں غی قیافت کرن آلاں غے بشکار گل بات بورئی بے پاکستان غی طرفوں سرحد پار دہشت گردی غا بارا مانہ جنرل دیودی نے کہیو کہ بھارت پاکستان غے نال نوا معاملو غی پالیسی ور چل رہی و بے اگر پاکستان بھارت غے خلاف دہشت گرداں غی مدد جاری رکھے غوتاں یاہ گل پاکستان واسطے پاری بے غی۔ اُنہاں نے مزید اس طرح کہیو۔

SECURITY INTENSIFIED

دہلی مانہ حالیہ دہشت گردی کی واردات نانہ دھیان ماں رکھتا واں جموں ریلوے سٹیشن ور چوکسی بدھا دتی گئی بے سوموار دوپہر ناں پولیس تے یم فوجی اہلکاراں نے ریلوے اسٹیشن ور آن جان آلا مسافراں کی چان چک تلاشی لی تے اُن گا سامان غی جانچ کی۔ ریل ماں سفر کرن آلا اک مسافر نے چوکسی انتظامات کی تعریف کرتا واں اس طرح کہیو۔ لوکاں کی حفاظت نانہ یقینی بنان بارے اک ہور قدم چاتاں واں پونچھ ضلع ماں اعلان کیو جے جہڑو شخص دہشت گرداں یا اُن غا ساتھیان کی موجودگی بارے سچی، پکی تے قابل کاروائی جانکاری پولیس ناں دے گو اُس نانہ 5 لکھ

روپياں گو انعام دتو جے غو پوليس نے يقين دہانی کرائی ہے جے اطلاع دين آلا گي شناخت ظاہر نی کی جے غي تانجے اُس غي حفاظت يقینی بن سکے۔

JMC GREEN COLONY

ميونسپل کارپوريشن جموں غا کمشنر ڈاکٹر ديوانس يادو نے واڈ نمبر 50 چھنی ہمت غو دورو کيو تے رہائيسياں تیں گرین کالونی انيشيٹو مانہ بڈھ چڑھ غے حصولين غي اپيل کی ايور گرین پارک ايسوسي ايشن تیں گل بات کرتا واں اُنہاں نے دسيو کہ يوه پروگرام سائيس کالونی مانہ بہت کامياب ربيو ہے تے لوکاں نانہ ماحول دوست عادت اپنان غي ضرورت ہے ڈاکٹر يادو نے زور ديتا واں کہيو کہ صاف تے ہرو بھرو جموں بنان واسطے عوام غو تعاون بہت ضروری ہے۔

RAJOURI HALF MARATHON

راجوری پوليس 23 نومبر 2025 نانہ ایک ہاف ميراتھن غو اہتمام کرے غو جس غو موصوف ہے ہر قدم اتحاد واسطے ہر ميل منشيآت غے خلاف اس تقريب غو مقصد برادری مانہ ہم آہنگی نانہ مضبوط کرنو تے نوجوانان مانہ منشيآت بارے آگاہی پھيلانو ہے حُکام غے مطابق ميراتھن مانہ بکھ بکھ قسم گا لوک حصو لے س کیں گا تے صحت نالے حفاظت بارے مکمل انتظامات کیا جیں گا پوليس نانہ اُميد ہے يوه پروگرام فٹ نس یعنی تندرستی نانہ فروغ دين غے نال نال منشيآت غے خلاف ایک مضبوط پیغام دے غو تے ضلع مانہ اتحاد نانہ بدھاوے غو۔

POONCH GIRLS HOCKEY

بين صوبائی يوٹی سطح گو گدرياں گو ہاکی ٹورنامنٹ اج پونچھ ماں مچ جوش و خروش تے کھیڈ گا جزیہ سنگ شروع ہوو اس ٹورنامنٹ مان جموں کشمير بھر تیں 6 ٹیم حصو لے رنی ہیں جہڑی اُچا سطح گا انعام جتن واسطے مقابلو کریں گی پونچھ ضلع مانہ منعقد ہون آلو يو پہلو صوبائی سطح گو ہاکی ٹورنامنٹ ہے ٹورنامنٹ گو باقاعدہ افتتاح ضلع اطلاعاتی افسر پلوی ورما نے کيو جہڑی افتتاحی تقريب مانہ اپنا خطاب مانہ پلوی ورما نے نوجوان کھیڈاریاں نانہ شاندار کارکردگی دسن گی ترغيب دتی۔ اس موقعہ ور اُنہاں نے اس طرح کہيو۔
